

ihrem ganzen Besitz zur militärischen Hilfe im Bereich ihres Bistums  
und diesseits des Arlberges bis zum Walensee und Bodensee  
verpflichten.

Wir Hartman<sup>1</sup> Von gotes genaden Bischof ze Chur, Vnd . . wir der Tumbrobt . . Der Degan, Vnd . . das Capitel gemeinlich ze Chur, fur Vns vnd all vnser Nachkömen, Vnd wir . . Der Amman . Der / Rat Vnd . . die Stat gemeinlich daselbs ze Chur, Vnd wir . . die Dienstmanne Vnd edeln lüt, Vnd ouch wir . . die lüt gemeinlich alle Vnd yekliche der Tellr im Engdin<sup>2</sup> Jm Brigel<sup>3</sup> obenthalb dem Stay<sup>4</sup> Vnd Jm / Tumlesch<sup>5</sup>, Vnd gemeinlich all ander Lüte vnd vndersêzzen, die zu dem obgenanten Bystum ze Chur gehören, wa wir gesezzen oder wie wir genant sin, fur Vns vnd all vnser erben Vnd nachkömen, Bechennen / Vnd tûn kunt offenlich mit dem brief, Daz wir betracht haben, die manigueltigen gütète, die von Vnserer gnédigen herschafft ze Tyrol, vnserm Goczhus, vnd vns, in vergangenn ziten wideruaren ist, Vnd haben / Darumb, Vnd ouch durch kunftig schirm Vnd gemacht, vnser vnd aller vnser nachkömen, nach gûter Vorbetrachtung Vnd zitigem rate, Vns vnd vnser goczhus Vnd Land vnd lüt gemeinlich, zu den durchlúchtigen hoch- / gebornen fursten Vnsern gnédigen herren Herczogen Albrechten<sup>6</sup>, Vnd sinen Vettern, Wilhelmen<sup>7</sup> vnd Lupolten<sup>8</sup> Vnd iren gebrüdern, Herczogen ze Osterrich vnd Grauen ze Tyrol etc., Vnd allen iren erben Vnd nachkömen / an denselben Landen, in ewiges dienstes wise, mit gütlichem willen, Verphlicht vnd verpunden, Verphlichten Vnd verpinden ouch wissentlich mit dem gegenwurtigen brieue, in gûten vnd ganczen trüwen ewiglich / ze haltend, Jn sôlicher wise, Daz wir zu den heyligen gesworen haben, fur vns vnd all vnser nachkömen vnd erben, Daz wir vnserer egenanten herschafft von Osterrich vnd von Tyrol, dienêr vnd helffêr, sin wellen Vnd / sullen, Vnd Jnen getruwlich raten dienen helffen Vnd bistendig sin, mit allem Vnserm lib vnd gût, Stat Vestinen, geslozzen, Vnd allem vnserm Land vnd lüten, Also, wenne vnser egenanter herschafft, yemer in / dhainen künftigen ziten, vnser dienstes vnd vnserer hilffe bedurffend wirdt, Vnd daz ir dhainer, oder ir hauptman<sup>9</sup> bi der Etsch, oder Lantvogt in iren Swêbischen Landen oder ir phleger ze Veltkilchen, selber, / oder mit iren briefen oder boten vordert, Wenn, wie dik, vnd